



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 221. Initia Concilii Papiensis, seu Ticinensis.

[urn:nbn:de:hbz:466:1-66272](#)

urbem haud procul ab Antisiodoro sitam Sæcul. XV.
Saresberiensis Comes obsidebat, profli- A.C.1422.
gatæ fuerunt, Buckano Connestabili, &
Severaco Marescallo, qui oppidanis sub-
sidio venerant, devictis, ac mille selectis-
simæ militiæ Viris gladio interemptis,
totidemque in captivitatem abstractis,
quos inter ipse quoque Connestabilis, &
Ventadore Comes erant. Nihilominus
inter tot sinistræ fortunæ casus unicum
Regi solamen obvenerat ex primo Filio
sibi die quarta Julii Biturigibus progeni-
to, cui Ludovici nomen dedit.

§. CCXXI.

*Initia Concilii Papiensis, seu Ti-
cinensis.*

Cum Constantiensis Synodus in Sessio-
ne quadragesima quarta decretum Naucler.
condidisset, ac ipse quoque Pontifex in ea- gener 48.
p. 448.
dem Sessione ex Cardinalium senten-
tia declarasset, quod Synodus Papiæ ce-
lebranda esset; Martinus præstituto tem-
pore jamjam evoluto illuc ablegavit Ora-
tores, nimirum Petrum Abbatem Rosa-
tium, Aquilejensis Dioecesis, & Leonar-
dum supremum Ordinis FF. Prædicato-
rum Præpositum. Intererant etiam non-
nulli Franciæ, Germaniæ, & Angliæ De-
putati, datumque est Synodo initium
in mense Majo, quamvis Ultramontani

I i 2 nec-

Sæcul. XV. necdum adeissent, exceptis duobus Bur-
A. C. 1423. gundiæ Abbatibus, & Joanne Bastone
Carmelita, qui a Clero Anglicano missus
fuerat. Itaque duobus propemodum
mensibus frustra transactis, Abbas S. Am-
brozii Mediolanensis Ducis sui nomine ex-
posuit, luem Papiæ grassari, proin se
ex parte Domini sui reliquas omnes di-
tionis suæ urbes Synodi Patribus offer-
re, exceptis Mediolano & Brixia. Hu-
jus consilio permoti Patres statuerunt,
mutationem loci pro futura Synodo ne-
cessariam fore, quibus accessit, quod Al-
phonsus Rex in nonnullis Sessionibus,
quæ jam habitæ erant, caussam Petri de
Luna Anti-Papæ per suos Legatos resu-
scitare cœperit, invidiam creatorus Mar-
tino V. qui eidem Neapolitani regni in-
vestituram denegaverat.

§. CCXXII.

Agitur de Synodi Translatione.

Platina in Martino V. Papa translationem Synodi ratam ha-
buit, quæ & die vigesima secunda Ju-
nii decreta est. Difficultatis cardo ver-
sabatur circa locum, de quo necdum Pa-
tres convenerant. Tandem vero post
crebras hac de re disceptationes Andreas
Posnaniensis Episcopus suo, ac quatuor
Nationis Germanæ Deputatorum nomi-
ne loci Electionem Legatis Pontificiis
per-